



**Quæstionum Canonicarum, In Quinque Libros  
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,  
In quo agitur De Judicio criminali, exponendo primùm actiones in eo  
judicio instituendas, & suscipiendas, ...

**Schlüter, Georg**

**Augustæ Vindelicorum, 1709**

Articulus III. De homicidio casuali?

---

[urn:nbn:de:hbz:466:1-73064](#)

*consignari* tarent, & faciant, ut expressè habet etiam constitutio. Cùm alias nonnulli.

S. 3.

Subiungit autem §. 4. Ne autem Curia secularis prædicta Ministri facultate illos per se, & propriâ auctoritate extrahendi, & abducendi, sibi olim, ut prefertur, attributâ, & per praesentes revocatâ abutantur, volumus, dictâque auctoritate decernimus, & declaramus, ut Curia secularis, ejusque Judices, & Officiales, ab Ecclesiis, Monasteriis, locisque sacris prædictis, laicum aliquem, ut prefertur, delinquentem, in nullo ex casibus supradictis, sine expressâ licentia Episcopi, vel ejus officialis, & cum interventu persona Ecclesiastica ab eo auctoritatem habentis, ad quos solos, & non alios, Episcopis inferiores, etiam si alii ordinarii sint, aut nullius Diœcesis, aut Conservatores ab hac sede specialiter, vel generaliter deputati, prædictam licentiam dandi, facultas pertineat. Occurrente autem casu in loco exempto, & nullius Diœcesis, tunc ad Episcopum vicinorem devolvatur hec cognitio, & non ad alios, capere, extrahere, aut incarcere non possint, nisi eo casu, quo ipse Episcopus, & dictæ persona Ecclesiasticae requisita, illos in delictis superius expressis culpabiles, tradere, aut capere & carcerationi intervenire, & assistere recusaverit, tuncque reverentia Ecclesia & locis sacris debita memores prædictos delinquentes, minori quo id fieri poterit, cum scandalis, & tumultu extrahere current.

¶ 847 Èdem authoritate §. 5. statuit, quod delinquentes Laici prædicti, postquam, ut prefertur, ab Ecclesiis, locisque sacris extrahendi, & capti fuerint, ad carcera Curia Ecclesiastica reponi, & iuxta sub tufo, & firmo carcere, ac opportuna custodia, data illis, si opus fuerit, per Curiam seculararem, detineri debeant, nec inde extrahi, Curiaque seculari prædicta consignari, nec tradi possint, nisi cognito prius per Episcopum, seu ab eo deputatum, an ipsi verè crimina superius expressâ commisérine? tuncque demum, de mandato Episcopi, per Iudicem Ecclesiasticum, Curia seculari, quacunque appellatione postpositâ, consignentur.

848 Dices: inter crimina excepta, non ponitur quodcumque homicidium ex insidiis, sed solum crimen eorum, qui viatores ex insidiis aggrediuntur; ergo, qui occultans se in urbe, vel domo, inimicum suum certo tempore transire solitum exspectat, & nihil tale metuentem ex proposito ocidit, non

incurrit poenam privationis asyli Ecclesiastici; patet consequentia; cùm enim haec constitutio sit odiosa, privans beneficio reis criminum concessio, strictè intelligi debet, nec extendi, nisi ad reos criminis, qui ex insidiis viatoribus strucis illos occiderunt, & multò probabilius esse, quod haec constitutio sit favorabilis; cùm reverè directè intendat favorem, & reverentiam Ecclesiastorum, que vehementer dehonorate fuerunt per Laicorum abusus, ex qualibet rationis paritate judicantium, licere sibi reos, ad Ecclesiam, vel Monasterium confugas, (modò delictum aliquam similitudinem haberit cum alio, cui jus asyli ademptum erat) de Ecclesiis etiam vi extrahere, magno Scandalo, divini honoris, & Ecclesiastarum irreverentia, & immunitatis Ecclesiasticae contemptu, ut liquet ex ipso procœmio dictæ constitutionis. Hinc ad object. R. dato antecedente N. conseq. cuius probatio neganda est quoad eam partem, quâ dicit, dispositionem dictæ constitutionis, odiosam esse, accedit, quod terminus Viator proprie dicitur de eo, qui per viam tendit, ut notat Pereyra in Elucidar. n. 1420. licet etiam usurpetur pro itinerantibus.

### ARTICULUS. III.

De homicidio casuali?

Quid sit homicidium casuale, prout huc §. 849 accipitur in ordine ad incurrandam irregularitatem ex delicto, diximus n. 809. Non agimus hic de homicidio plenè casuali, quod scilicet nec directè, ne indirectè est voluntarium; sed de illo, quod directè involuntarium est, indirectè autem voluntarium, scilicet in causa ex qua non quidem per se, & necessariò sequitur, sed sequitur tamen, ut plurimum, & communiter; ut si quis percutiat feeminam præphantem, unde abortus oritur. Hoc præsupposito; non dupliciter homicidium imputari ad culpam illi, à quo fit casualiter, hoc est præter intentionem cum aliqua culpa, primò quando sequitur homicidium ex ejus actione illicita, quæ quidem directè voluntaria sit, sic tamen, ut homicidium inde secutum, sit aliquo saltem modo voluntarium in causa per accidentem, modo explicato. Secundo quia sequitur ex actione quidem licta secundum se, non tamen adhibita sufficiens diligentiā,

tia, ne ex illa talis effectus sequatur, his præmissis.

850 R. 1. propter homicidium omnino involuntarium, seu casuale, nullam incurri posnam, nullam irregularitatem *ex delicto*; quia sic caret omni culpâ V. Clement. unicus h. t. cuius haec sunt verba: *si furiosus, aut infans, seu dormiens hominem mutileat, vel occidat, nullam ex hoc irregularitatem incurrit.* Et idem de illo censimus, qui mortem alteri vitare non valens, suum occidit, vel mutlat invasorem.

851 R. 2. eum, qui dat operam rei licita, ex qua per accidens sequitur homicidium præter intentionem, prius adhibitâ debitâ diligentia, nullam irregularitatem, nullam poenam incurre; deducitur ex c. *dilectus* 13. ibi: *Mandamus, quatenus, si ita est, cum idem Capellanus nec voluntate, nec actu, homicidium perpetravit, nec dedit operam illicita rei, non impediatis, quam minus divina possit officia celebrare.* Idem habetur in duabus sequentibus, nimirum in c. *ex literis* 14. c. *ex literis* 15. h. t. & pluribus aliis, eodem, & ratio est; quia tunc caret omni culpâ. Dixi, *prius adhibitâ debita diligentia.* Nam ea omessa, dans operam rei secundum se licita, quâ positâ sequitur mors alterius, fit irregularis c. *Presbyterum* 7. h. t. quod sumatur sic in Rubrica: *homicidium casuale imputatur ei, qui dabat operam rei licita, si non adhibuit diligentiam, quam debuit.* Idem habetur in c. *continebatur* 8. eod. sed hoc limitandum est juxta dicenda in sequentibus à n. 853. potest enim ea actio de se esse licita, & periculosa; quo solum casu dictum procedit, si periculum prævisum est; non autem, secus.

852 Si queras, quando ad effectum incurrenda hujus irregularitatis censemur, non fuisse adhibita debita diligentia in casu prædicto? R. 1. in foro externo tunc censeri non adhibitam, quando intercessit culpa iuridica, vel lata, seu crassa, vel etiam levis de quo V. dicenda à n. 898. in foro tamen conscientia tunc solum, quando intercessit culpa Theologica, seu peccatum; & probabilius mortale, cum poena (nimirum irregularitas ex delicto) gravis sit.

853 Si queras 2. an fiat irregularis, qui facit actionem *illicitam*, ex qua re ipsa sequitur aliquod homicidium casuale, seu præter intentionem, quamvis omnem diligentiam adhibuerit ad illud cavendum? pro resolut. not. illam actionem posse esse, vel

non esse, *periculosa*. Periculosa est, si suapte naturâ apta, & ordinata est, ad inferendam mortem, & consequenter ratione talis periculi specialiter prohibita; secus dicitur non periculosa; his præmissis: R. 1. eum, qui operam dat rei illicite, sed non periculosa, ex qua præter ejus intentionem sequitur homicidium, non fieri irregulari, si prius omnem diligentiam, quam debuit, illud cavendi adhibuit, quia si homicidium nullo modo illi voluntarium est. R. 2. eum irregulari fieri, qui licet adhibeat debitam diligentiam, dedit operam rei ipsi illicite, ac periculosa, ex qua sequitur homicidium, quia sic homicidium est illi voluntarium in causa prohibita ratione periculi, c. *Tua nos* 19. h. t. sed hoc intellige, si intercessit culpa gravis in cavendo periculo, juxta n. 852. velatio titulo de quo num. scqq.

Dices: nullus fit irregularis, qui adhibitâ 854 omni diligentia dat operam rei licita, ex qua præter intentionem sequitur homicidium; ergo à contrario fit irregularis omnis ille, ex cuius actione illicita sequitur homicidium, licet omnem adhibuerit diligentiam. R. 1. argumentum à sensu contrario in poenalibus, & odiosis non habere locum R. 2. disting. conseq. ergo à contrario fit irregularis omnis ille, ex cuius actione illicita, & periculosa, sequitur homicidium. C. ex cuius actione illicita sed non periculosa sequitur homicidium, nego conseq. Nam expressi juris est, irregularitatem non incurri, nisi in casibus jure expressis, homicidium autem ex actione illicita, sed non periculosa, non est casus in jure expressus, cui imponitur irregularitas, ergo. Quodautem casus homicidiis fecuti ex actione illicita & periculosa, licet omnis diligentia sit adhibita *quoad cavendum periculum*, sit expressus in jure, constat ex c. *Tua nos* 19. h. t. ubi declaratur, irregularis sacerdos propter mortem secutam ex apostemate mulieri aperto in gutture, licet omnem diligentiam adhibuerit *quoad cavendum periculum*; non tamen *quoad actionem sibi alio titulo vietam*. Sunt enim plures actiones propter commune periculum homicidii specialiter prohibita Clericis, qui sunt in sacris constituti, ut *pugnare in bello, explodere tormentum, exercere chirurgiam per adiunctionem, vel incisionem &c.* ex c. *sententiam sanguinis* 19. Ne Clerici vel Monachi. Dixi qui sunt in sacris constituti. Nam Clericis inferioribus, etiam beneficiatis, cum

cum debita diligentia chirurgiam exercentibus, licet ex ea sequatur mors; non impo-  
nitur irregularitas, nec obstat c. *ad aures*, de  
xestate, & qualitate, ubi videtur colligi, etiam  
in minoribus constitutum irregulariter fieri,  
si cum periculo mortis curet ægros, eaque  
sequatur. Nam, ut notat Layman, ibid. n. 1.  
eo loco ideo dictus Clericus irregularis de-  
claratus est, quia defecit in probatione *de-  
bita diligentia adhibita*, & fassus est, quod  
plures ex medicinis suis periculum mortis  
incurrerint.

855 Dices: ergo saltem Medicus, vel Chi-  
rurgus Laicus irregularis erit, æquè, ac Cle-  
ricus in sacris, si ei exercitium Chirurgiae pro-  
hibitum sit, & ex eo sequatur mors, licet o-  
mnem cavendi diligentiam adhibuerit. *q.*  
cum distinctione, si ei prohibitum sit ratione  
periculi homicidii C. si ex alio capite, N. il-  
latum. Laicis autem non est exercitium  
Chirurgiae prohibitum ratione dicti periculi,  
sed tantum Clericis. Ad extreum not. 1.  
irregularitatem ex homicidio casuali, nimi-  
rum solum indirecte voluntario supponere  
voluntarium in causa graviter mala. Nam  
pena gravis est, con querenter talis esse de-  
bet etiam culpa, atque adeo negligentia,  
cujus voluntariè admissæ titulo, effectus ex  
tali causa secutus, in causa voluntarius dicitur.  
Not. 2. irregularitatem ex homicidio  
casuali, sed in causa culpabilis admisso, non  
esse tam difficilis dispensationis, ac est ea,  
quæ incurritur ex homicidio directe volun-  
tario ac injusto, quale solum est, quod sit ex  
proposito, ut diximus in superioribus.

#### ARTICULUS IV.

##### *De homicidio justo, & defensivo.*

856 Communis doctrina est, homicidiis  
defensivis, nimirum commissis, pro-  
pter necessariam vitæ, vel sin corporis de-  
fensionem, servato moderamine inculpa-  
ta tutelæ, nullam esse in jure decretam ir-  
regularitatem, ut constat ex c. *jus naturale* 7.  
dist. 1. ibi: *violentia per vim repulso*. Nam  
hoc nunquam *injustum*, sed *naturale*, *equum*-  
que habetur. Item ex c. *significasti* 18. h.t. ibi:  
*quamvis vim vi repellere, omnia jura permit-*  
*tant &c.* & Clement. *si fuiosus*. h.t. cuius  
verba retulimus supra n. 850. Ethoc pro-  
cedit, sive Laicus, sive Clericus ex tali ne-  
cessitate alium occidat, cuiilibet enim licet  
naturali jure vim vi repellere. Hujus ulte-

rior ratio est; quia ad irregularitatem con-  
trahendam ex homicidio, privatâ authori-  
tate factò, requiritur culpa, ut docet Co-  
varr. in cit. Clement. p. 3. patetque ex ipso  
textu; sen in dato casu nulla est culpa, cum  
jure naturæ id, licet, ergo; his pra-  
missis:

Quæres 1. an incurrit irregularitatem, 857  
qui occidit inustum inyisorem, ob necessa-  
riam defensionem honoris, & famæ? *q.*  
talem occisorem non fieri irregularem oc-  
cidendo (servato moderamine inculpatæ  
tutelæ) si non potest fugere illud malum si-  
ne notabili, & gravi ignominia, & dedecore  
sui honoris; secus si potest; ita Suarez.  
d. 40. de Censur. seet. 1. à n. 5. quia malum  
illud, sub talibus circumstantiis, est mora-  
liter inevitabile. Ratio ulterior est ex n.  
seqq. quia talis nec incurrit irregularitem  
*ex delicto*, nec *citra delictum*. *Non ex deli-  
cto*; quia iure naturali licet vim vi repellere,  
quantum necessarium est, ne quis in justè la-  
datur; ergo cum talis necessaria defensio  
careat culpæ; carebit etiam delicti poenæ.  
Non etiam *citra delictum*; nam nulla ir-  
regularitas est homicidio citra delictum fa-  
cto statuta, nisi Ministris justitiæ, & Militi-  
bus propter defectum lenitatis, seu perfectæ  
significationis sacramentalis, in Ecclesiæ  
Ministris requisitæ, ut rectè not. Castropal.  
cit. n. 8. in fine.

Dixi: *servato moderamine inculpatæ tu-  
telæ*; si enim hoc non obseretur, sed ex-  
cedatur, omnino dicendum est, irregula-  
rem fieri ex c. *suscipimus* 10. ibi *quia expre-  
diebat, potius post tunicam, relinquere pal-  
lium &c. abstineat ab altaris ministerio c.*  
*significasti*, 18. h.t. *quamvis vim vi repel-  
le, omnia jura permittant*; qui tamen id si-  
eri debet cum moderamine inculpatæ tutelæ,  
non ad summandam vindictam, sed ad inju-  
riam propulsandam, non videtur idem sacer-  
dos à pena homicidii penitus excusari, tum  
ratione instrumenti, cum quo percussit; tum  
ratione partis, in qua ille percussus est.

Si petas, in quo consistat hoc mode- 858  
ramen? *q.* cum Barbos. in c. *significasti*. h.t.  
n. 3. moderamen in culpa tutelæ, seu defen-  
sionem inculpatam in eo consistere, quod  
quis alterum occidat coactus inevitabilis ne-  
cessitate, vi cuius alio modo se, vel sua sal-  
vare non potuerit ab injuria. Ex quo sequi-  
tur 1. non servari moderamen inculpatæ tu-  
telæ, si occisio, vel mutilatio alterius fiat *ad*  
*windictam*, & non ad injuriam repellen-  
dam,